

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

INISIATIF KERAJAAN BANTU RINGKANKAN KOS SARA HIDUP RAKYAT

PANDAN, 31 MAC 2019 - *Program Food Bank Malaysia (PFBM)* ini adalah salah satu inisiatif yang dilaksanakan oleh Kerajaan bertujuan untuk **membantu meringankan kos sara hidup rakyat selain mengurangkan pembaziran**. KPDNHEP telah melaksanakan program perintis pertama di Pulau Pinang pada Ogos 2018. Kejayaan program perintis ini telah dijadikan *benchmark* untuk dilaksanakan ke beberapa buah negeri lain seperti Kelantan, Melaka, Johor, Perak, Selangor, Wilayah Persekutuan Kuala Lumpur dan Negeri Sembilan.

Dalam melaksanakan inisiatif ini, Kementerian Perdagangan Dalam Negeri dan Hal Ehwal Pengguna (KPDNHEP) telah menghubungkan pihak industri yang merangkumi pasar raya dan pengeluar produk makanan, restoran dan hotel dengan rakan strategik Kementerian iaitu Mutiara Food Bank, Food Aid Foundation dan KECHARA Soup Kitchen bagi membantu menyalurkan bantuan kepada golongan sasaran.

Program Food Bank di Parlimen Pandan ini akan digerakkan oleh Rakan Strategik Utama iaitu KECHARA Soup Kitchen dan mendapat kerjasama dari Voice of Pandan. Antara pasar raya yang terlibat adalah Tesco, Econsave, The Store, NSK dan SEGI. Program ini bukanlah bersifat *ad hoc* ataupun *one-off* tetapi merupakan program yang berterusan untuk memberikan manfaat kepada golongan sasar iaitu miskin dan miskin tegar.

Mesyuarat Majlis Tindakan Sara Hidup Negara (NACCOL) pada 15 Februari 2019, telah memutuskan untuk meluaskan Program Food Bank Malaysia yang dikendalikan oleh Kementerian ini ke seluruh institusi pengajian tinggi. Ini adalah bagi menangani kos sara hidup yang dihadapi oleh mahasiswa yang kian meningkat.

###
